

Uf

9308

Uf 9308

40

sidr0012975




Biblioteka Jagiellońska

Uf 9308


29
HISTORIA
TAVRICÆ CHER-
SONESI, A TVRCIS SVPERIO-
re anno occupatæ; & TATTARIAE Præcopen-
sis, in prouinciam imperij Turcici
redactæ.

CATALOGVS OMNIUM PROVINCI-
ARVM IMPERII TVRCICI



DE SAMVELE S'BOROVIO
principe Polono, iussu regis, supplicio affecto,
& motibus inde secutis, iam
sedatis.

Et alia cognitu non indigna.



VVITEBERGAE.

ANNO M. D. LXXXV.

DE TATTARIS à Turca subactis.



TAVRICA CHERSONESVS, QVAM Præcop, & Tattariam minorem hodie appellant; ampla peninsula est, inter Pontum Euxinum & Maotiden, versus ortum porrecta ad Bosphorum Cimmerium, qui ad gradum long. 64. lat. 48. Europam ab Asia determinat. Eam mediam, horridi & ardui montes, velut Appenninus Italiam; in boream & australem, cuius Capha emporium celebre, anno 1475. à Mahomete occupatum, metropolis est, dirimunt. In boreali verò parte, TATTARI Crimæi vulgò appellati, latissimos inter Borysthenem & Tanaim campos, pascuis subinde mutatis peruagantes, sedem regiam annos iam ferè 400. habuerunt oppidum CRIMÆAM. quibus tributum seu pensionem annuam ad 40000. Vngaricorum Poloniæ reges ab auorum memoria pendunt.

Horum rex proximis annis Mechmet Kirei, Turcis confederatus & socius fuit. Aduersus quem proprii fratres seditionem mouerunt: & cum viribus regi impares essent, ad Stephanum Poloniæ regem, quem infensum Tattaro tributum annuum pendere hætenus recusasse sciebant, auxilij implorandi causa fugerunt. Eos, cum aliquoties Tattarus repeteret, nihil tamen apud Polonum efficeret: tandem Turcarum Imperator à rege obtinuit; vt proximo anno, sibi Byzantium, cum legato Polono, sint remissi. Tattaro tamen eos non restituit, nimirum tanquam Regis Tattarici obsides retinere eos cupiens, vt velit, nolit, 1581.

A 2 Tatta.

Ex
Biblioth. Regia
Berolinensi.

1069849

Tattarus in officio retineretur. Id grauiter Tattarus ferebat, & tamen petente Turcarum Imp. ut illius stipendijs in Asiam aduersus Persas auxilio Turcis proficisceretur: regi confederato gratificatus est. Cum autem Turci clade ingenti apud Tiflin à Persis affecti essent, Tattarorum rex, per Circassios & Mengrellios, qui etiam Colchidis partem inhabitant, iter faciens, clade intellecta, cum exercitu suo in regnum se recepit, multum damni habitatoribus istorum locorum, per quæ iter faceret, inferens.

Verum ut in regnum redijt, intelligereq; , fratres suos, sibi à Turcis, ex foedere & promissione nondum redditos esse, magnis in Turcam exarsit iris. Eius mitigandi causa, AMurathes, legatos cum donis eximijs, ad ipsum misit, excusans quare hactenus fratres ipsi non remisissent: allegans, in securitatem regis id fecisse, ne remissi fratres, absente Rege res nouas molirentur. se eos aut remissurum breui, aut in securitatem Regis penes se retenturum.

1583. Sed fratres Tattari negligentius Byzantijs custoditi clam aufugerunt, ac denuò bellum fratri Regi, auxilio Moscouitarum, & quorundam Tattarorum intulerunt. Ad quod propulsandum Tattarus auxilia Turcarum implorauit, quæ quidem promissa sunt, sed non præstita. grauatur enim Turcæ in ea loca proficiscuntur, & cum Persis satis habent, quod agant.

Cum autem denuò à rege Tattaro fratres seditiosi regno exacti essent: Tattarus omnem culpam in Turcas deriuauit, credens eorum instinctu (cum inexplebili reneantur dominandi cupiditate) factum esse, quod tam funestum & exitiale bellum fratres sui sibi intulissent. Rarus id nisi ita esset, fratres sibi iamdudum, aut restitui, aut eadem

eadem diligentia, qua multi alij principes viri, ab ipsis retinentur, custodiri potuisse. Accedebat eodem ferme tempore, ut Turca legatos ad Tattarum mitteret, ac rursus ab ipso, auxilia in Persam, non ut antè, benignè peteret; sed exemplo nouo, superbè ferme efflagigaret.

Quare Tattarus ingentes irarum aduersus Turcam concipit æstus, ac nimium iracundiæ indulgens, non citius Turcis bellum indixit, quam intulit, atq; ciuitatem Capham (quæ in Taurica Chersoneso olim Theodosia dicta, à Mahomethe verò Turcarum Imp: maioribus suis erepta erat) interceptandam sibi esse ratus, eam obsidione cingit, atq; armis, & amorione com meatus, ita Turcas, in vrbe Capha, nihil tale vnquam à socio Rege metuentes, pressit, ut non modò de facienda deditio deliberarent, sed iam intra duos dies dedere vellent.

Interea Amurathes, extrema quæq; à Tattaris metuens, 1584. consilio habito, Tattarum quendam, Islan Gerai dictum, quem per multos annos captiuum detinuerant Ottomanni, & ipsum Regij sanguinis, & ut fertur, naturalem Regis fratrem accersiri iubet. Eum benignis alloquitur verbis; Ad magnos posse peruenire ipsum honores, si sibi obedire vellet. Rebelle sibi Regem Tattariæ, nulla de causa; omnia in regno tyrannicè agere; subditos miserabiliter affligere; Eos grauatur ferre imperiosum dominum. Proinde si ipse vellet in Tattariam proficisci, se ipsi & pecunias & exercitum esse daturum, ut tyrannide liberaret patrium regnum. Consueuisse enim Ottomannos iustitiam colere; miseros defendere à tyrannorum insultibus: esse apertam cunctis afflictis Ottomannicam portam, refugium & receptaculum pauperum & derelictorum. Lætus miser, quod seruili statu solutus, citò dominus saluari deberet, annuit.

A 3

Itaq;

Itaq; ex voluntate Imp. Turcici, subito, non quidem Rex, sed TATTARIAE BEGLER BEGVS est declaratus. Iurauitq; fidelitatem Amurathi & ipsius legitimis successoribus; accepitq; vexillum aureum, quemadmodum pro signo fidelitatis, aut loco inuestiturae, Tributarij & subiecti principes à Turcis accipere solent, quales sunt Moldauus Bogdanus, VVallachus & Transylvanus.

7584. Exinde, duce Ochiali, maris praefecto, eum quadraginta, non amplius, triremibus, initio mensis Aprilis, soluit Constantinopoli, atq; paucorum dierum spatio, per pontum Euxinum nauigans, secundis ventis vtens prope Capham apulit, cum postero die ciuitas dedi deberet Tattaro. At Turcae non modò auxilia in urbem intulerunt, sed etiam seruitute liberatus Tattarus, tentauit optimatum apud fratrem animos, pecunijs, donis & promissionibus, vt aut dederent sibi fratrem viuum, aut occiderent. Acceperat enim in eum finem, à Murathe ingentem pecuniarum summam. Itaq; pecunia multos ex Tattaris corripit; inter quos etiam fuerunt consiliarij Regis, atq; vnus ex intimis & selectissimis amicis.

Qui vt conuentum erat, proprium Regem, in casa rustica tum diuertentem aggrediuntur, atq; cum duobus filiis in frustra concidunt, atq; eum, qui hoc ita fieri desiderauerat, Tattarum, pro Domino accipiunt, honorantq;. Qui donis & promissis multis sibi Tattarorum amicitiam & fidelitatem conciliauit.

Talem ad modum Tattari, qui haecenus liberi & indomiti fuerunt, ex socijs & fratribus Ottomannorum, ipsorum sunt facti serui. Et plerunq; habet Ottomannica amicitia talem finem.

Est autem mirandum, quod tam piger, tamq; inutilis Amu-

Amurathes, tam felices habeat rerum suarum successus, quos maiores sui vix armis habere potuerunt. Verum credo, ipsi hoc ita contingere, quod iam Imperium suum maiorum armis & virtute est confirmatum & stabilitum. Quemadmodum legimus, fortunatos fuisse nimis saepe, Neronem impium aliàs & dissolutum, & impurum Heliogabulum. Forsitan quoq; habiturae sunt Amurathis res miserabilem finem, quemadmodum habuit fortunatus ille Polycrates Samius apud Herodotum. sed oretenus aliquando, si ita Deo placebit, de his & similibus colloquemur.

Eodem ferè tempore, quando Amurathes Imp. Turcarum, fraudibus Tattaros domuit, parum abfuit, quod Turcae non destruxerint omnia Christianorum, quae Constantinopoli sunt, templa, propterea (vt creditur) quòd Patriarcha Constantinopoli Ieremias, Turcis templum quoddam Christianum, vt in Moscheam (ita Turcarum templa vocantur) illud transferrent, concedere abnuerit. Sed cessauit tandem destructione duorum templorum Graecanicorum, furor & rabies infidelium. Ieremiam autem Patriarcham, catenis vinctum, miserabiliterq; per urbem raptatum, tandem Rhodum relegauerunt. Doleo certè istius boni humaniq; viri casum. Erit ipsi absq; dubio gratissimum, si literis ipsum in carcere consolaberis, Deus autem incolumem ipsum & fidelem seruet.

Amurathes Imp. Turc. paulò post, cum in horto equitaret, spaciabundus, morbo suo corripitur comitali, atq; ab equo prolabitur, & pro mortuo est asportatus in aedes, atq; per aliquot dies Const: pro mortuo habitus est. Cum autem milites (secundum morem & consuetudinem ipsorum) inciperent spoliare ciues, eos sedare non potue-

A 4

runt

runt aliter, nisi quod Ianizarorum Agà promitteret, se ipsis viuum monstraturum esse ipsorum Sulthanum. Itaq; duodecimo die morbi Amurathes S. Sophiæ Ecclesiam (quam capta Constantinopoli Sulthanus Mehemetes, in Moscheam transtulit) visitauit, atq; viuum se cunctis monstrauit. Sic reuixit, qui per aliquot dies pro mortuo fuit habitus.

Paucis abhinc diebus, equites Caroloistadienses (quos in confinibus Styriæ, ante duos annos à Turcis clade memorabili affectos esse, scripsi) se vindicauerunt. Nouem enim millia Turcarum intrauerant ista loca, atq; magna damna habitatoribus istorum locorum intulerant, abducentes multos captiuos & ingentem prædam. eos nostri celeriter insecuti atq; confligentes, in fugam coniecerunt, prædam omnem recuperantes. ex hostibus multi cæsi, captiq; inter quos duos Begos esse ferunt. parem fortunam nos quoq; in his locis sperassemus. Turcæ enim iuerant in metallicas ciuitates. Cum autem ibi in armis inuenirent Christianos, subito regressi sunt, atq; oppidulum quoddam Topfan dictum, ipsis tributarium incendunt, atq; miseros habitatores, nihil tale metuentes, captiuos tanquam hostes abducunt, ipsis culpam dantes quod Christianis aduentum suum indicauerint. Nos qui fuimus 400. in vniuersum, hæc intelleximus, & quamuis hostes decem miliaribus à nobis abessent: tamen celeriter diem atq; noctem equitando, paulo post quam Turcæ ingressi essent castellum Sabathæum, aduenimus. Regressi sumus re infecta, dolentes quod hostes per viam non potuissemus inuenire. Hostes tum nos in reditu insequi non audebant, quamuis essent circiter duo millia.

8. Decembris moritur vir & diues & magnæ auctoritatis

ritatis Nicolaus Bathorius, relinquens hæredem Stephanum Bathorium, & ipsum infœcundum. Ita ipso etiam moriente in his locis deficere videtur ista familia, quæ multos sapientes & fortes produxit viros, atq; nostra memoria Regem Poloniae Stephanum Bathorium.

Venerunt iam literæ Byzantio quibus significatur, Ferratem Bassam (quem contra Persam cum ingenti exercitu profectum esse proximis literis indicaui) bis ab hostibus, Georgianis præsertim, cæsum esse. Osman Bassa interim Constantinopoli fuit. atq; Vezir Asim declaratus est, remoto Siaus Bassa. Iam autem contra Persas mittitur cum auxilijs nouis. Cui IMP. triremem & tentoria sua propria, præter morem Ottomannorum concessit. Creditur quod Ferratem strangulandi mandata acceperit, à Sulthano, quod rem iste malè gesserit. Carthaginensium consuetudinem Ottomanis seruare videntur, qui Duces suos, malè rem bellicam, qualicunq; modo, administrantes, in cruces egerunt. Fertur etiam, quod Tattari rebellionem aduersus supposititium Dominum moliantur. Atq; Turcas grauati in Tattaros profecturos esse: negantes se contra fratres suos pugnatuuros, qui eiusdem sint religionis secum, & arma hæcenus fideliter cum ipsis coniunxerint.

Sepusiensis comitatus, vtrum hæreditarius sit, & cui pareat, quæris? Is certè Regi paret Hungariæ, qui hodie est Rudolphus Imp. & nulli præterea subiectus est. *Nam pars Regni est Hungarici, atq; vnus ex 70. Regni comitatibus.* Nos etiam pro defensione eius hic militamus. Nec etiam est hæreditarius, sed electo Regicum reliquis Regni partibus cedit. Hoc tamen ex annalibus Hungaricis (quantum memoria repetere possum)

sum) constat, *Sigismundum Pannonia Regem*, cum graue & inauspicatum bellum contra Baiazetem Ottomannum gereret, valdeq; inopia pecuniæ laboraret, *partem agri Sepusiensis comitatus, cum tredecim oppidulis, qua Poloniam versus sunt*, pro certa pecuniæ summa, *regi Polonia oppignorasse*; ita ut ipse ex prædictis oppidis annuos redditus, pro vñsuris perciperet; Tutela autem & arces, si quæ sunt, Regi Hungariæ manerent inuiolata, id quod hodie etiam ita seruat. Ita quidem credam, ius illud pignoris, Poloniæ Regis hæredibus, qui ex Iagellonum familia descendunt (ex quorum numero Heduuigis focrus Iulij Ducis, fuit) iure deberi; Quamuis comitatus Sepusiensis regis sit Hungariæ. Transylvania beneficium Turcici Imp: hodie est.

CATALOGVS PROVINCIA- RVM IMPERII TURCICI. IN ASIA.

1. *Natoli*, h. ASIAE MINORIS Beglerbegus seu vicerè, re-
2. *Caraman*, Ciliciæ præest. (sudet in Chiutaia.
3. *Seuás*, Syriæ superiori, residet in Sebastia.
4. *Halep Alepi* residet, parti Syriæ præest.
5. *Scham*, DAMASCI, quæ Scham Turcis & Arabibus dicitur, Syriæ, & Calesyriæ, Palæstinæ &c.
6. *Tarablos* siue *Traplos*, Tripolitano regno præest ad montem
7. *Maras*, Arabiæ desertæ confinis. (Libanum
8. *Diarbechiè*, MESOPOTAMIAE.
9. *Bagdat*, BABYLONIÆ & Chaldææ.
10. *Eas*. Mengrellios, Colchidis habitatores sub se habet, forsitan à Phasi fl. ita nominant.

Ezrám

11. *Ezrám*, parti ASSIRIAE & ARMENIÆ præest.
12. *Balsara*, ad finem Persicum, Persidis & Chaldææ partem habet.
13. *Labfa*. Caramanniæ quæ Ormum versus.
14. *Iemen Adin*, ARABIAE præest.
15. *Hebesch*, ad sinum Arabicum dominatur, obiectus Presbytero Iohanni.
16. *Mesier*, AEGYPTO, residet in Cairo, quam Mesier vocant Turcæ cum Aegypto. Iudæi Misraim ex literis sacris adhuc vocant.
17. *Cyprò*, Cypro præest, residet Nicosiæ, siue Niconiæ potius.
18. *Van*, in confinibus Persiæ.
19. *Schereful*, etiam in confinibus Persiæ, sed tamen Assiriæ magnam partem sub se habet.
20. *Cars* in Armeniæ & Mediæ } Hi Beglerbegi nuperrimè constituti sunt contra Persam.
21. *Tiflis*, in Georgianorum R. } sed reliquis, propter incertū belli euentum, & propter prouinciarum paruitatem, nequaquam comparandi sunt.
22. *Tschildir*, in confinib. Mez } (diæ.
23. *Sohum*, ibidem.
24. *Temircapi*. Ferreæ portæ. }

IN EVROPA.

1. *Rumuli*, Thraciæ siue GRAECIAE TOTIVS. Turci. n. Græciam Rumuli vocant, corrupto Romanæ nomine, alij post Constantinum magnum, vocant Thraciam, Sophiæ sedem habet, sed plerunq; Constantinopoli est.
2. *Cassa*, TAVRICÆ Chersonési, olim Theodosia dicta.
3. *Temesuar*, Hungariæ versus VVallachiam.
4. *BVD A*, HVNGARIAE superioris, residet Budæ.
5. *Bosna*. Dalmatiæ, Illyridi, & Croatiæ parti præest, residet Bosniæ.

IN APHRICA.

1. *Giul Gesarè*, Algeriæ præest, quam Turcæ ab antiquo nomi-

nomine sed corrupto, nominant Giuegfarè .i. Iuliam
Coefaream.

2. *Tunis*, Tunetanum habet Regnum, & residet Tuneti.
3. *Tripoli*, Leptis est antiquis, & Tripoli Aphricæ residet.
4. *Capitan Bassa* his adiungitur, Is mari præest, & inter Beglerbegos numeratur. Et fermè omnes Aegæi maris insulas sub se habet. Residet tamen plerunq; Constantinopoli & Callipoli.

Singuli Beglerbegi sub se habent suos Begos, siue Sanguibegos, quorum quisq; fermè principatum aut Ducatum obtinet, & vice Beglerbegi sunt. seu vice Domini. Seruit eorum quisq; plerunq; 500. sæpe 1000. equitibus. Horum in vniuersum sunt plus minus 300. Hi sub se habent Spahileros, quos rectè vocamus Vasallos siue beneficiarios. Nam equites merent & beneficia pro stipendio habent, ad tempus.

DE SAMVELE SBORO, VIO POLONO.

1573. Samuel Sborouusky ob interfectum sub coronationem Regis Henrici Castellani Premisliensem, ex familia VVapousky in Arce; perpetuò bannitus siue exilio multatus erat, absq; tamen vlla infamia, quæ in talibus addi solet, nota. Per hoc tempus partim in Transyluania, partim in campis illis latissimis, in quibus grassantur Nizzeij Cocazij, tum in proximis VValachiae partibus vitam degebat, ita tamen quod sæpius in Regnum ad suos veniebat, (Habebat enim uxorem ex familia Spitronum Castellani olim Cracouiensem, filiam) & tam Cracouiæ, quam in alijs ciuitatibus ac oppidis morabatur, atq; interdum li-

centio-

centiosius grassabatur. Quærebat interea per fratres & consanguineos suos, modos & rationes, quibus placere offensam partem, & Reipub. decreto comitali, restitui posset. quæ res non successit, multis intercedentibus causis.

Cum verò passim multi conquererentur, & pro singulis comitijs exclamarent, bannitos, contra leges patriæ in Regno versari, impunè multa illicita ac interdum horrenda committere, negligentibus locorum, vbi hæc fierent, Capitaneis, quibus id ipsam non sine aliquo officij neglecti aut metus aut conniuentiæ legibus inimicæ, aliorumq; similium nota, exprobrabatur: admonebantur sedulo & serio, diligentius in posterum vt cauere, ne quid ex istiusmodi indulgentia Reipub. incommodi, & leges propter vilipendium periculi, ipsorum causa sustinerent. Et nominatim, quibusdam in comitijs, instigantibus offensis decretum fuit, ne quibusuis in locis Capitanei D. Samuelem conuersari paterentur. quinimo si in contemptum legum id facere amplius præsumeret, 1581. pro officio eundem captiuarent.

His causis adductus Magnificus D. Cancellarius Ioannes Zamoiscius, simulatq; Capitaneatum Cracouiensem adeptus est, cum sciret Samuelem sæpius in minori Polonia apud suos & alios passim degere, omniaq; superius attacta, familiæ suæ fortassis nisum tum potentia tum auctoritate, contemnere: admoneri illum aliquoties curauit per fratres Magnificos D. Ioannem & Andream, alios item propinquos, ne in locis illis, vbi cum potestate versaretur, subsisteret. alias pro officio & conscientia sua quòd vellet exequi leges, recentiusq; lata decreta. Illo nihilo minus curante, imò in contrarium eò audacius nitente, cum ad alia noui quidam conatus & factiones sensim pro-

C 3

deren-

derentur, tum periculum quoddam ipsi D. Cancellario imminere non incertis argumentis cognosceretur, ne malum hoc latenter diutius glisceret, Deus fortassis sustinere noluit.

1584. Magnificus D. Cancellarius, pro more, iudicia ordinaria, quæ non nisi per ipsos Capitaneos iudicari quotannis aliquoties solent, proclamari iubet Cracouiam ex Litwania satis cautè & circumspectè proficiscitur. Circa Sendomiriam transeunti nunciatur D. Samuelem amplo desperatorum hominum numero stipatum simul cum illo Cracouiam ingredi constituisse, subindeq; non procul ab eodem nocturno hospitio deligendo subsistere solere. Per aliquot id ipsum penitus exploratores cognoscitur, venit tandem Prossouiam, ubi cum Dn. Cancellarius pernoctaturus substitisset: medio abinde miliari, apud viduam sororiam suam VVlodokouua nuncupatam, in villa Piekari D. Samuel hospitatur, comitatus sui maiore parte in viciniore villa relicta, Quid secretius tentare cogitauerit, norunt exactè quorum interest, ceteri non item. Iam verò hic Iurisdictioni Capitanei Cracouiensis primùm locus aperiebatur.

Proinde noctu vice capitaneum suum Vrouecium immittit cum præfidiarijs Cancellarius tanquam Capitaneus, qui impetu in domum viduæ facto, licet non statim prodere-
tur, interfecto vno puero qui gladium Samueli porrigebat, & filiolo eiusdem aliquantulum vulnerato, quod bombardam eiaculatus esset, post multas concertationes D. Samuelem capit: Prossouiam deducit. inde simul cum D. Cancellario Cracouiam rectà in arcem, curru proximè ipsum sequente, cum præsidio, liber vectus, ingressus ac custodiæ traditus est. Porro qui tum præsentés aderant ex nobilitate Craco-

Cracouiæ obuiam progressi, cum primùm in arce D. Cancell. salutassent, longa ac eleganti oratione totius facti rationem sibi explicari audiuerunt. Hoc factum fuit die 12. Maij. Interea dum D. Samuel sub custodia nemine penitus ad se admissio asseruatur: varia diuersaq; subsequuntur. Cancellarius, Regi, præcipuisq; Senatoribus, per literas facti sui reddit rationem. Altera ex parte apud suos primùm, deinde & apud alios, passim querelæ fiunt publicè & priuatim, Indebitè vim esse illatam: nemine instigante captum esse: Proscriptionis huiusmodi qualis ista est, nullam legibus descriptam esse poenam: fidem datam fuisse D. Samueli, quod liberè, ac tutò in regno versari posset: per transitum profectionem hanc contigisse, vt qui filiolum in Germaniam deduceret: magis ex priuato aliquo odio, quàm ex legum obseruantia, factum existimari debere, multaq; alia huiusmodi.

Die 19. Maij Nobilitas Palatinatus Cracouiens, per Succamerarium suum D. Zikouskij interponit sese satis accurata & grauitè prudenterq; conscripta oratione, etiam scripto tradita, à D. Cancellario hoc vnum efflagitando, ne quippiam præcipitanter in illum committeretur: vt potius ad Comitìa reseruaretur causæ huius per omnes ordines cognitio & iudicium; vel vt ad Regiam Magn: remitteretur. Responsum prolixum, multisq; respersum argumentis & coloribus oratorijs, vt quod facti totius non sine circumstantiarum ante & post descriptione narrationem contineret, scriptio itidem nobilitati exhibitum est, in quo nulla certa apparuit resolutio, præter hanc, quòd in præsentì casu id facturus esset, quod sibi secundum Deum conscientia & officij auctoritas dictaret.

Interea Die 13. Maij quoq; Magnificus D. Andreas Curia Mariscalcus litteris & ipse instat, vna cum alijs consanguineis suis, apud ordinarios Iudices Regni, tum Lublini Iudicia exercentes, partes suas vt interponerent ad D. Cancellarium, ne quid atrocius in fratrem statuere vellet, satis iam superq; familiae illorum violentiae & iniuriae, in captiuatione illatum esse. Volebant dare obsides, & numero decem ex praecipuis huius familiae viris obligare sese, quod D. Samuelem pro Comitibus Sereniss. Regi & ordinibus Regni statuere vellent iudicandum, nec defuturas illi secundum leges & Decreta contra eundem lata, legitimus atq; iuridicas defensiones. Tandem petierunt consilium ab iisdem, quid aut quomodo in tam acerbo familiae casu agendum vel procedendum sibi esset.

Die 14.
Maij.

Breuiters sed prudenter a Iudicibus responsum est illis & quidem ita perplexè, vt nihil ex ijs litteris aut pro se trahere, aut contra D. Cancellarium usurpare possent. Summa tamen erat, se in tali casu consilium praebere non posse, nihil hoc ad illorum officium aut iudicia pertinere, non defutura tam amplae & potenti familiae sufficientia & opportuna consilia domi.

Die 15.

Sub idem tempus Magnificus D. Cancellarius per litteras significat iisdem iudicibus, qui det quomodo factum sit non consilium aliquod inquirendo, sed rei veritatem explicando, ne aliter vt in talibus fieri solet, traduceretur. In dato eidem responso gratias agunt Iudices, qui tanta prudentia ac vigilantia usus fuerit: satis eum testatum fecisse, quem virum, vt in defendenda patria armisq; tractandis, ita in legum obseruantia & securitate publica tuenda, se praestitisset, non dubitare se concludunt breuiter, illum tanquam senatorem prudentem, in legibus & libertatibus patriae

triae & natum & optimè exercitatum, quemadmodum in alijs omnibus rationibus hactenus fecisset, actum praesentem ad huiusmodi effectum perducendum, vt vtrumq; ius videlicet publicum, & libertas nobilitatis, salua ac integra permaneant, nihilq; inde, quod aliqui ominari viderentur, emergat aduersi.

Paucos post dies cum nobilitati Cracouiensi responsum ad interpositam intercessionem datum esset, cum nemini constaret, quid facturus esset: die 23. Maij sub meridiem significatur D. Samueli domui suae vt disponderet, animaeq; prouideret, neq; etenim aliter fieri posse, mortem illi decretam esse omnino. Exterritus vehementer dicitur, & animo & corpore concidisse, licet post epulas primum sumtas erectus conscripsit nonnulla. Ante vesperam conuenitur a D. Cancellario, tribus adhibitis testibus, vbi ad aliquot horas sermones varij intercesserunt, qui & quales, Deo soli & tum praesentibus notum est.

Summo mane subsequenter diei, eductus in locum solitum suppliciorum, vicecapitaneo cum tribus vel quatuor alijs praesentibus, cinctus 50. Haidonibus, substrato rubeo panno, capite plectitur. Inuolutoq; linteo ad id praeparato, imponitur Arcula, & feretrum pannis paratis contegitur. Arce inde aperta confluunt omnes turmatim. Durat spectaculum prope 4. horas, obstupere omnes, praeter spem & expectationem factum musitant: varia metuunt varij, tumultus in promptu fore videbatur.

Quinta a decollatione hora, Castellana Cracouiensis, ipsius vxoris mater, tum quoq; Cracouiae praesens, currum cum quadrigis in Arcem & seruitoribus mittit, quo corpus veluto tectum in domum Palatini olim Calisienensis deductum est, ibiq; assuto capite, denuo ornatum more militari, in

ri, in toga rubea serica, cum claua, biduo conspiciendum à quibusuis frequentantibus publicè iacebat.

Postridiè illius diei, quæ res magnæ fuit plerisq; admirationi, Magnificus D. Cancellarius cum R. Domino Episcopo pransus est, & ad D. Franciscum ex arce, iuxta ædes, in quibus funus iacebat, bis profectus est. Quarto ab inde die Magnificus D. Andreas frater Marscalcus magno comitatu Cracouiam venit, neq; quicquam subsistens aut solennem aliquam actionem vel protestationem interponens, eadem die corpus ex vrbe abduxit. Nec quicquam postmodum subsecutum est eorum, quæ multi passim aut confingunt aut spargunt. Quinimo publicè quantum nobis constare potest, conticuere omnia: priuatim multos & quidem præcipuos exacerbatos scimus, variaq; varios proponere ac meditari, pro vt quisq; est huic aut alteri parti affectus, ita iudicium suum promit.

Magnificus Dn. Cam. Gnesnensis Ioannes, Cracouiæ non fuit. Graudenti in Capitaneatu suo, cum frequentes conuiuas insolennitate baptismi filix suæ, ex filia Dn. Calisfienfis natæ haberet, nuncium de fratre capto accepit: non tamen inde profectionem aliquò suscepit, sed domi se continuit, præter quod cum Mag. Dn. Palatino Posnaniensi congressus dicitur. Prudenter sanè quidam ex minore Polonia ad me scripsit: Crede mihi istud factum non erat fabrica vnius diei, diu multumq; de eo consultabatur quò ad venit summa dies & ineluctabile fatum. De quo quidem eius hominis interitu hic varij variè sunt affecti. Dicunt alij rectè casum esse, & laudant iustam animaduersionem, alij verò dolent, sed altum premunt corde dolorem, interdum collachrimantes & Tyrannidis metu alas quatientes, quorum quidem sunt pauci. Sed vt fert tempus, facietis prudentiorum sermonibus

monibus perstringuntur, vt iam mitiores esse videantur. In summa breui ea omnia euanescunt principijs deferuescentibus. cæteri verò eiusdem farinae iam aliquando intelligent, vibratum esse enlem ad vindicandam insolentiam, susq; deq; ferebantur tantisper vicia & inhumanitates. Hæc ille. Qui sint animi hominum? conuocatio Senatorum à Rege pro 20. Augusti ex grauissimis quibusdam & secretis Reipub. necessitatibus indicta, nec non comitia proxima hyeme celebranda manifestabunt.

Magn. D. Cancellarius, non multis post diebus satis cum moderato tam equitatus quàm peditatus comitatu, Cracouia, multis ex nobilitate illum concomitantibus, egressus est, rectaq; ad reuidendum Capitaneatum recens sibi à Rege post defunctum D. Andreæ Comitem à Gorka collatum Iauorouiens. satis insignem contendit. Inde rectà aut Grodnam, aut Lublinum ad regem profecturus. Hæc summatim & quidem confidenter, de D. Samuele Sborouski, quæ desiderare visus es, significare volui. De Christophoro, perempti fratre, multa hic circumferuntur, vtinam vera non sint. Certissimum est, quò maiores tam nobilis & clara familia motus excitare ex istis occasionibus posse aut velle conari videtur, tot periculosiores atq; vtinam non insperatos sustineat impetus necesse est. Dominus consoletur afflictos & omnia in melius conuertat. Certò asseuerabatur à nonnullis, D. Samuelem, Milierensem Baronatum, mediante ac promouente fratre Christophoro, iam comparare debuisse, ibiq; mansionem transferre voluisse, Habuit enim circiter centum millia florenorum, in quibus titulo reemptionis Elorzuoobena in Russia peropima ab M. Dn. de Gorka tepuit, huiusq; filius tenet. Fama est, non tamen incerta, complura millia Vngaricorum ultra vi-

ginti, in Arcula post detentionem inuenta, non tamen er-
pta, sed familiaribus illius relictæ esse.

Cum autem fratres Sborouij, apud gentiles & affines
suos, multa de Cancellarij injuria questi, & de rege ipso in
ordinem redigendo mouissent; & literis ad plures alios scri-
ptis aduersus regem conspirare existimarentur: capita factio-
nis, Christophorus & Andreas Sborouij fratres, ad comitia
VVarfouia proxima, literis regijs citati sunt. vbi senatus re-
gni, Samuelem Sborouium iure casum pronunciauit, &
Christophorum Sborouium, conspirationis aduersus regem
initæ ducem & autorem, proscripsit. Ceteri supplices in gra-
tiam recepti sunt.

COLONIA.

24. Febr.

Bellum nostrum Coloniense, durat adhuc.
Horstum, ad Nouesium arx, à Nuenario
intercepta; nunc oppugnatur. Berchum et-
iam, oppidum ad Rhenum, obtinet; ac munijs,
nec tam facile, ab Ernesto recipietur. Qui Er-
nestus, in patriam ad fratrem, est profectus.
Rex, in Belgio, caso Aurico, à quodam Sequa-
no, cui nomen erat Balthazari Gerardo, nato
sex ad Vesontionem milliaribus, in oppidulo
Villafano, multis victorijs est potitus. Brugas
n. cepit,

n. cepit, Hipras, Teneremundam, & Ganda-
uium. Itaq, omnem Flandriam, excepta O-
stenda portu, recepit. Scaldim tentat intercipe-
re, operibus ad eius ripam exstructis à Parmen-
si, vt Antuerpiensibus nauigationem, & nego-
tiationem, eripiat, & Bruxellenses, quibus im-
minet, & qui obfessi maxima rerum inopia la-
borant, tum etiam Mechlinienses, in suam pote-
statem redigat. Antuerpienses nihilominus,
non terrentur. Ordines autem, ad Francum,
duodecim Legatos miserunt. Offerunt Hollan-
diam, & Zelandiam. Angla, se illis, sed aliud
simulans, coniungit.

Philippus Rex, Philippum filium, in Hispa-
nia regna inaugurari, obtinuit. filiam natu-
minorem, Allobrogum Sabaudia Duci, matri-
monio iunxit. Natu maiorem Cesari, vel Car-
dinali Austria eius fratri, traditurus nuptui.
In ea inauguratione, adfuerunt duo Iapponia,
ex India Orientali, Reges, qui sacris fontibus
sunt initiati. Cuius rei causa, & vt Regem
viderent, eò, tantis itineribus, venere. Italia,
otio ac pace fruitur. No-

1585. Nonis Martij.

Pontifex quiescit, & creandis Cardinalib.
Hispanis gratificatur. Rex Gallia cum sit ocio
& libidinibus deditus, in pace istic sunt omnia.
Regina per atatem segnior est, & cum de suc-
cessionem regni sit in futurum sollicita, fit ut po-
stulatis Belgarum, qui sua causa Regem pa-
tronum exoptant, non respondeat.

In annum inducias pacti sunt Turci cum
Persis, nihil tamen in Hungaria mouetur, nisi
quod, ut fieri solet, interdum excursiones fiant.

In comitijs V Varsouiensibus, negocia ple-
raq; Cracouiam reiecta sunt. Sborouijs acci-
dit, quod communiter his, qui de alijs sunt bene
meriti solet accidere, ut cum se negligi videant,
omnia suspecta habeant. Regi autem, ut suis
benefactoribus gratiam usitato inter homines
more referat.


Moschus fideliter adhuc colit amicitiam
cum nostro Imp. Legatum illius hodie hinc
Pragam dimisimus.

Hispanus nihil intactum relinquit, ut in
suam

suam potestatem redigat Belgicum. Et qua
nunc videntur tranquilla esse loca orbis, paulò
post experiemur turbata moueri.

Regis Suecia filium intellexi maternam
hereditatem ex ducatu Lituania petere, sed de
his rebus certi aliquid à vobis requiremus.

In vrbe Vienna nullus est nostra Relligioni
locus. in prouintia quoquo modo retinent pri-
uilegium. utinam verò doctores
haberent sinceros, pios, &
prudentes.



Hist. Russ.

831

